

仙掌峰巒峭不收

陳圖南也

去後遂無傳能斟時事高擡手善

酌人情畧撥頭書虎不成心尙在悲麟無應淚橫流悟來不必多言語贏得清閑第一籌

和君實端明花菴獨坐

靜坐養天和其來所得多耽耽同

又作殊

厦宇密密引藤蘿忘去

貴臣度能容野客過繫時休戚重終不道如何

和君實端明見贈

曾不見饒饒城中類遠郊雖無千里馬却有一枝巢月出雲山背風來松竹梢頑然何所得豈復避人嘲

秋夜

道藏輯要

擊壤集

九

四星集七

浮雲一消散星斗粲長天碧蘚墜丹果清香生白蓮體涼猶衣葛耳靜已無蟬坐久羣動息秋空唯寂然

雲

晴空碧於水那得片雲飛映日成丹鳳隨風變白衣去來皆絕迹隱顯兩忘機天理隨能測終然何所歸

和雲

萬里幙四垂一片雲自飛祇知根抱石不爲天爲衣旣來曾無心却去甯有機未能作霖雨安用帝鄉歸

秋日登石閣

初晴僧閣一凭欄風物淒涼八月間欲盡上層嘗脚力更於高

處看人寰秋深天氣隨宜好老後心懷只愛閑爲報遠山休歛
黛這般情意久闌珊

風月吟

涼風無限清良月無限明清明不我捨長能成歡情終朝三褫
辱晝日三接榮榮辱不我預何復能有驚

贈富公

天下繫休戚世間誰擬倫三朝爲宰相四水作閑人照破萬古
事收歸一點真不知緣底事見我却慙慙

誠子吟

善惡無他在所存小人君子此中分改圖不害爲君子迷復終

道藏輯要

擊壤集

辛 四星集七

歸作小人良藥有功方利病白珪無玷始稱珍欲成令器須追
琢過失如何不就新

自古吟

自古大聖人猶以爲難事而况後世人豈復便能至求之不勝
難得之至容易千人萬人心一人之心是

寒夜吟

天加一倍寒我添一重被不出既往言不爲已甚事責已重以
周與人不求備唯是大聖人能立無過地

事急吟

早急望雨意病危思藥心人人當此際不待勸而深